

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN
DARIPADA : TUAN CHE MOHAMAD ZULKIFLY BIN JUSOH [SETIU]
TARIKH : 01.04.2014 (SELASA)

TUAN CHE MOHAMAD ZULKIFLY BIN JUSOH [SETIU] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sejauh manakah Kementerian berjaya mengawal kenaikan harga barang terutama barang keperluan asas dan nyatakan langkah kerajaan bagi membendung kenaikan kadar inflasi Negara bagi memastikan ekonomi negara kekal mapan dan mampu berdepan cabaran ekonomi global yang mencabar.

JAWAPAN:

Tuan Yang Dipertua,

Trend atau arah aliran inflasi yang diukur berdasarkan Indeks Harga Pengguna mendapati kadar purata inflasi tahun 2013 meningkat kepada 2.1% berbanding 1.6% pada tahun 2012. Manakala kadar inflasi bulan Januari 2014 berbanding bulan Januari 2013 telah merekodkan peningkatan kepada 3.4%.

Dalam membendung kadar inflasi negara, Kerajaan antara lain telah melaksanakan perkara-perkara berikut:

- i. **Penubuhan Jawatankuasa Khas Menangani Kos Sara Hidup Rakyat pada 15 Januari 2014.**
- ii. **Melaksanakan Kempen Penurunan Harga.**
- iii. **Mengadakan sesi *engagement* dan dialog dengan NGO Kepenggunaan.**
- iv. **Melaksanakan Anugerah Kedai Harga Patut (AKHP)**
- v. **Mewujudkan Kedai Rakyat 1 Malaysia atau KR1M**

- vi. Menggalakkan penglibatan premis makanan untuk Menu Rakyat 1 Malaysia atau **MR1M**.
- vii. Mewujudkan Kedai Kain Rakyat 1Malaysia atau **KKR1M**
- viii. Mewujudkan **Price Watch** di dalam Portal 1Malaysia Pengguna Bijak dan **menyebarluaskan penggunaannya dalam media massa**
- ix. Memperhebatkan aktiviti penguatkuasaan seperti **OPS HARGA 2014**

Analisa perubahan harga 40 jenis barang terpilih bagi bulan Januari 2014 berbanding Disember 2013 adalah seperti berikut:

- i. Di Semenanjung Malaysia, 23 barang mengalami peningkatan harga, 13 barang mengalami penurunan harga manakala 4 barang tidak mengalami sebarang perubahan harga;
- ii. Di Sabah, 24 barang mengalami peningkatan harga, 14 barang mengalami penurunan harga, 1 barang tidak mengalami sebarang perubahan harga manakala harga 1 barang tidak dapat diperolehi;
- iii. Di Sarawak, 24 barang mengalami peningkatan harga, 14 barang mengalami penurunan harga, 1 barang tidak mengalami sebarang perubahan harga manakala harga 1 barang tidak dapat diperolehi; dan

- iv. Di Labuan, 10 barang mengalami peningkatan harga, 12 barang mengalami penurunan harga, 15 barang tidak mengalami sebarang perubahan harga manakala harga 3 barang tidak dapat diperolehi.